

Ineqarnermut, Attaveqarnermut Aatsitassanullu Naalakkersuisoq
Landsstyremedlem for Boliger, Infrastruktur og Råstoffer

Inatsisartunut ilaasortaq
Olga Poulsen Berthelsen
/Maani

Blok Q-mi, R-imi aamma S-imi isaterneqartussani attartortut pisinnaatitaaf-fii qanoq iliornikkut qulakkeerneqarsinnaappat

23.10.2006

Blok Q, R aamma S-imi inssiarsuit isateriarlugit taakkununga taarsiullugit pigineqatigiilluni inissiat sanaartorneqarpata maanna attartortuusut pisinnaatitaaf-feqarnissaat qanoq iliornikkut qulakkeerneqarsinnaanersoq pillugu apeqquteqarpuit. Maanna attartortuusut inissianilli nutaanik pigineqataalernissaminnut aningaasaqarnermikkut periarfissaqanngitsut, taamaakkaluatorli blok Q, R aamma S-ip ullumikkut inissisimaffigisaannut uterusuttut qanoq periarfissaqarnersut paaserusullugu apeqquteqaatinik saqqummiussivutit.

Postboks 909
3900 Nuuk
Oq/tel +299 34 54 00
Fax +299 34 54 10
iap@gh.gl
www.nanoq.gl/iap

Naalakkersuisut sinnerlugit apeqquteqaatitit arfiniliusut akissuteqarfigissavakka.

1. Tuapannguani blok Q, R S-illu sequtseriarlugit nutaamik napparteqqinneqarneranni maannamut attartortut inissianut nappaqqinneqartunut uteqqinnissaannut tunngatillugu qanoq neqoroofigineqarpat?

Blok Q-mi, R-imi aamma S-imi maanna attartortuusut Tuapannguani pigineqatigiilluni inissialiassanut uteqqinnissamik neqeroorutinik suli nassiussuiffigineqanngillat.

2. Neqoroorummut naaggaarsinnaatitaanermik neqoroofigineqarpat?

Naamik. /Naagga.

3. Inssiarsuit pigineqatigiilluni inssianngortinnerini kikkut pigineqataasutut sanaartortussatut akuerineqarsimappat?

Pigineqatigiilluni inissiat sananeqarnerisa nalaani sanatitsisutut suliaasaq Namminersornerullutik Oqartussanit isumagineqassaaq. Blok Q-mi, R-imi aamma S-imi maanna attartortuusut illuliassani pigineqatigiilluni inissiaatillit peqatigiiffiini ilaasortanngornissamut neqoroofigineqassapput. Tamatumunnga ilassutigalugu ilisimatitsissutigissavara maannakkut attartortuusut pigineqatigiilluni inissiani pigineqataalernissamut salliutinneqassammata.

4. Namminersornerullutik Oqartussat kommuunillu pigineqataassutaat qanoq annertutigippat? Allallu qanoq annertutigisumik pigineqataassuteqassappat

Sanaartornermut aningaasartuutit pingajorarterutaannut marlunnut erniaqanngitsunik akilersugassaangitsunillu Namminersorerullutik Oqartussat taarsigasarsititsissapput, taakkunangalu inissiap annertussusiligaanerani kvadratmeterimut annerpaamik 10.000 kr.-inut taarsigassarsititsisoqassaaq. Kommuni inissianik piginneqataassanngilaq, aningaasalersueqataasussaanginnami. Piginneqataalersussat sanaartornermut aningaasartuutit 7 procentiinut nammineerlutik akiliuteqasapput, aningaasartuutissanillu sinneruttut Namminersorerullutik Oqartussanit taarsigassarsinikkut imaluunniit nammineerluni akiliutissanit matussuserneqartussaangitsut realkredit-imit taarsigassarsinikkut aningaasalersorneqassapput.

5. Sumi aalajangersarneqarami inissiarsuarni sequtseriarlugit, nutaatut nappaqqin-neqartuni attartortut, Namminersorerullutik Oqartussat aammalu kommuunit piginneqataassutaanni attartorsinnaassanngitsut?

Aningaasanut inatsimmi kontomut pingaarnermut 87.72.25-mut oqaaseqaatini kisalu piginneqatigiilluni inissiatit pillugit peqqussummi allassimavoq, piginneqatigiilluni inissiat piginneqataasunut inissiaasut. Taamaattumik Namminersorerullutik Oqartussat kommunilu tunngaviatigut piginneqatigiilluni inissianut nutaanut piginneqataasutut inissisimasinnaanngillat.

6. Innuttaasut tamarmik ineqartinneqarnissamik piginnaatitaaffeqarput. Attartortut inigisaminnut uteqqissinnaajunnaartitaaniarnerat, inuit piginnaatitaaffiannik unioqqutitsinngila?

Aap. Blok Q, R aamma S isaterneqartussaapput, taakkunungalu taarsiullugu piginneqatigiilluni inissiat nutaat sananeqartussaallutik. Attartortitsineq pillugu peqqussut naapertorlugu illuutini isaterneqartussani attartortut inissiamut taartassussumut nutaamut innersuunneqartussaapput, tamannattaarlu Namminersorerullutik Oqartussat attartortunut attartornermut isumaqatigiissutiminnik naammassinnissimasunut tamanut neqeroorutigisarpaat. Taamaattumik attartortut attartornermut isumaqatigiissutiminnik naammassinnissimasut arlaannaalluunniit inissaarunnavianngilaq. Kisianni blok Q-mi, R-imi aamma S-imi attartortut Tuapanguani sanaartugassani piginneqataalernissamut salliutinneqartussaapput. Tamanna attartortut kissaatiginngikkunukku, Namminersorerullutik Oqartussat inissiaataanni attartortittakkami, maanna najukkaminnut taarsiullugu neqeroorutigineqarsimasumi najugaqaannarsinnaapput.

Ikinngutinnersumik inuulluaqqusillunga

Jørgen Wæver Johansen